

李翰林集卷第七

翰林供奉李白

贈下

贈從弟昭宣州長史

獄中上崔相

江上贈竇長史

贈何七判官

贈裴司馬

叙舊贈江陽宰陸調

贈從孫義興宰銘



博平鄭太守自廬山之武陵贈別

草創大還贈柳官迪

讀諸葛武侯傳書懷贈長安崔少府叔封昆季

獻從叔當塗宰陽冰

贈瑕丘王少府

贈崔司戶文昆季

贈崔侍御

贈溧陽宋少府陔

贈王漢陽

戲贈鄭溧陽

贈秋浦柳少府

贈崔秋浦三首

對雪醉後贈王歷陽

望九華山贈韋青陽仲堪

贈郭將軍

贈劉都使

流夜郎贈辛判官

贈饒陽張司戶

憶舊遊贈濟陰馬少府

贈常侍御

贈徐安宜

贈從弟昭宣州長史

淮南望江南千里碧山對我行倦逐過一作之半落青
天外宗英佐雄郡水陸相控帶長川豁中流千里瀉
吳會君心亦如此包納無小大搖筆起風霜推誠結
仁愛訟庭垂桃李賓館羅軒蓋何意蒼梧雲飄然忽
相會才將聖不偶命與時俱背獨立山海間空老聖
明代知音不易得撫劔增感慨當結九萬翔中途莫
先退

獄中上崔相漢

胡馬渡洛水血流征戰場千門閉秋景萬姓危朝霜
賢相燮一作元氣再欣海縣康台庭有夔龍列宿祭
成行羽翼三元聖發揮兩太陽應念覆盆下雪泣拜
天光

江上贈竇長史

漢求季布魯朱家楚逐伍胥去章華萬里南遷夜郎
國三年歸及長風沙聞道青雲貴公子錦帆遊戲一作
弄西江水人疑天上坐樓船水淨霞明兩重綺相約
相期何太深棹歌搖艇月中尋不同珠履三千客別
欲論文一片心

贈何七判官 昌浩

有時忽惆悵匡坐至夜分
平明空彌唵思欲解世紛
心隨長風去吹散萬里雲
羞作濟南生九十誦古文
不然拂劍起沙漠收奇勳
老死田陌間何因揚清芬
夫子今管樂英才冠三軍
終與同出處豈將沮溺
群

贈裴司馬

翡翠黃金縷繡成歌舞衣
若無雲間月誰可比光輝
秀色一如此多爲衆女譏
君恩移昔愛失寵秋風歸
愁若不窺鄰泣上流黃機
天寒素手冷夜長燭復微
十日不滿匹鬢蓬亂若絲
猶是可憐人容華世中稀
向君發皓齒顧我莫相違

叙舊贈江陽宰陸調

大伯讓天下仲雍揚波濤
清風蕩萬古跡與星辰高
開吳食東溟陸氏世英髦
多君秉古節嶽立冠人曹
風流少年時京洛事遊遨
腰間延陵劍玉帶明珠袍
我昔鬪雞徒連延五陵豪
邀遮相組織呵嚇來煎熬
君開萬叢人鞍馬皆辟易
告急清憲臺脫余北門厄
閒宰江陽邑翦棘樹蘭芳
城門何肅穆五月飛秋霜
好鳥集珍木高才列華堂
時從府中歸絲管儼成行

但苦隔遠道無由共銜觴江北荷花開江南楊梅熟
正好飲酒時懷賢在心目挂席候海色舊本脫此當

風下長川

舊云江北荷花開江南楊梅鮮錦帆乘風下長川

多沾新豐醪一作

滿載剡溪船中途不遇人直到爾門前大笑同一

醉取樂平生年

贈從孫義興宰銘

亞相李公重之以能政中丞李公免罷以移官

也

天子思茂宰天枝得英才朗然清秋月獨出映吳臺
落筆生綺繡操刀振一作掘風雷蠖屈雖百里鵬騫望
三台退食無外事琴堂向山開淥水寂以一作閑白

雲有時來河陽富竒藻彭澤縱名杯所恨不見之猶
如仰昭回元惡昔滔天疲人散幽草驚川無活鱗舉
邑罕遺老誓雪會稽恥將奔宛陵道亞相素所重投
刃應桑林獨坐傷激揚神融一開襟絃歌欣再理和
樂醉人心蠹政除害馬傾巢有歸禽壺漿候君來聚
舞共謳吟農夫棄義笠蠶女墮纓簪歡笑相拜賀則
知惠愛深歷職吾所聞稱賢爾為最化洽一邦上名
馳三江外峻節冠雲霄通方堪遠大能文變風俗好
客留軒蓋他日一來遊因之嚴光瀨

博平鄭太守自廬山千里相尋入江夏北市

門見訪却之武陵立馬贈別

大梁貴公子氣蓋蒼梧雲若無三千客誰道信陵君
救趙復存魏英威天下聞邯鄲能屈節訪博從毛薛
夷門得隱淪而與侯生親仍要鼓刀者乃是袖槌人
好士不盡心何能保其身多君重然諾意氣遙相
託五馬入市門金鞍照城郭都忘虎竹貴且與荷衣
樂去去桃花源何時見歸軒相思無終極腸斷朗江
猿

草創大還贈柳官迪

天地為橐籥周流聞一作行太易造化合元符交構騰

精魄自然成妙用孰知其指約羅絡四季間跡微無
一隙日月更出沒雙光豈云隻姹女乘河車黃金充
轆轤執一作熬樞相管轄摧伏傷羽翮朱鳥張炎威白
虎守本宅相煎成苦老消爍凝津液髮髯明窻塵死
交同至寂鑄一作構冶入赤色十二周律曆赫然稱大
還與道本無隔白日可撫弄清都在咫尺北鄴落死
名南斗上生籍伊一作子是何者身在方士格
才術信縱橫世途自輕擲吾求仙棄俗君曠損勝益
不向金闕遊思為玉皇客鸞車速風電龍騎無鞭策
一舉上九天相攜同所適

讀諸葛武侯傳書懷贈長安崔少府叔封昆
季

漢道昔云季群雄方戰爭霸圖各未立割據資豪英
赤伏起顏運卧龍得孔明當其南陽時隴畝躬自耕
魚水三顧合風雲四海生武侯立岷蜀壯志吞咸京
何人先見許但有崔州平余亦草間人頗懷拯物情
晚途值子玉華髮同衰榮一本無託意在經濟結交
為弟兄無令管與鮑千載獨知名

獻從叔當塗宰陽冰

金鏡靈六國亡秦亂天經焉知高光起自有羽翼生

蕭曹安峴岷耿賈摧襁捨吾家有季父傑出聖代
英雄無三台位不借四豪名激昂風雲氣終協龍虎
精弱冠燕趙來賢彥多逢迎魯連擅談笑季布折公
卿遙知禮數絕常恐不合并惕想結宵夢素心久已
冥顧慙青雲器謬奉玉樽傾山陽五百年綠竹忽再
榮高歌振林木大笑喧雷霆落筆灑篆文崩雲使人
驚吐辭又炳煥五色羅華星秀句滿江國高才挾天
庭宰邑艱難時浮雲空古城居人若雜草掃地無纖
莖惠澤及飛走曲肱大盡歸耕廣漢水萬里長流玉
琴聲雅頌播吳越還如秦階平小子別金陵來時白

下亭群鳳隣客鳥差池相哀鳴各拔五色毛意重大
山輕贈微所費廣斗水澆長鯨彈劔歌苦寒巖風起
前楹月銜天門曉霜落牛渚清長歎即歸路臨川空
屏營

贈瑕丘王少府

皎皎鸞鳳姿飄飄神仙氣梅生亦何事來作南昌尉
清風佐鳴琴寂寞道為貴一見過所聞操持難與群
毫揮魯邑訟目送瀛洲雲我隱屠釣下爾當玉石分
無由接高論空此仰清芬

贈崔司戶文昆季

雙珠出海底俱是連城珍明月兩特達餘輝照傍人
英聲振名都高價動殊鄰豈伊箕山故特以風期親
惟昔不自媒擔簦西入秦攀龍九天上別忝歲星臣
布衣侍丹墀密勿草絲綸才微惠渥重讒巧生緇磷
一去已十載今來復盈旬清霜入曉鬢白露生衣巾
側見淶水亭開門列華茵千金散義士四座無凡賓
欲折月中桂持為寒者薪路傍已竊笑天路將何因
垂恩儻丘山報德有微身

贈崔侍御

長劔一杯酒男兒方寸心洛陽因劇孟託宿諾曾襟

但仰山嶽秀不知江海深長安復攜手再顧重千金
君乃輜軒佐余叨翰墨林高風摧秀木驚彈落虛
禽不取回舟興而來命駕尋扶搖應借便桃李願
成陰笑吐張儀舌愁為莊鳥吟誰憐明月夜腸斷聽
秋砧

贈溧陽宋少府鄰

李斯未相秦且逐東門兔宋玉事襄王能為高唐賦
常聞淶水曲忽此相逢遇掃灑青天開豁然披雲霧
威蕤紫鸞鳥巢在崑山樹驚風西北吹飛落南溟去
早懷經濟策特受龍顏顧白玉棲青蠅君臣忽行
路人生感分義貴欲呈丹素何日清中原相期廓天
步

贈王漢陽

天落白玉棺王喬辭葉縣一去未千年漢陽復相見
猶乘一作承飛鳧鳥尚識仙人面鬢髮何青青童顏皎
如練吾曾弄海水清淺嗟三變果愜麻姑言時光速
流電與君數杯酒可以窮歡宴白雲歸去來何事坐
交戰

戲贈鄭溧陽

陶令日日醉不知五柳春素琴本無絃漉酒用葛巾

清風北窻下自謂羲皇人何時到溧一作里一見平生親

贈秋浦柳少府

秋浦舊蕭索公庭人吏稀因君樹桃李此地忽芳菲
搖筆望白雲開簾當翠微時來引山月縱酒酣清輝
而我愛夫子一作淹留未忍歸

贈崔秋浦三首

吾愛崔秋浦宛然陶令風門前五楊柳井上二梧桐
山鳥下廳事簷花落酒中懷君未忍去惆悵意無窮

崔令學陶令北窻常晝眠抱琴時弄月取意本無
絃見客但傾酒爲官不愛錢東舉多種黍勸爾早耕
田
河陽花作縣秋浦玉爲人地逐名賢好風隨惠化春
水從天漢落山逼畫屏新應念金門客投沙弔楚臣
對雪醉後贈王歷陽

有身莫犯飛龍鱗有手莫辯猛虎鬚君看昔日汝南
市白頭仙人隱玉壺子猷聞風動窻竹相邀共醉杯
中醪一作歷陽何異山陰時白雪飛花亂人目君家
有酒我何愁客多樂酣秉燭遊謝尚自能鸚鵡舞相

如免脫鷓鴣裘清晨興罷過江去他日西看却月樓
望九華山贈韋青陽仲堪

昔在九江上遙望九華峯天河挂綠水秀出九芙蓉
我欲一揮手誰人可相從君爲東道主於此卧雲松

贈郭將軍

將軍少年出武威入掌銀臺護紫微平明拂劍朝天
去薄暮垂鞭醉酒歸愛子臨風吹玉笛美人向月舞
羅衣疇昔雄豪如夢裏相逢且欲醉春輝

贈劉都使

東平劉公幹南國秀餘芳一鳴即朱紱五十佩銀章

飲水事戎幕衣錦華水鄉銅官幾萬人諍訟清玉堂
吐言貴珠玉落筆迴風霜而我謝明主銜哀投夜郎
歸家酒債多門客粲成行高談滿四座一日傾千觴
所求竟無緒裘馬欲摧藏主人若不顧明發釣滄浪

流夜郎贈辛判官

昔在長安醉花柳五侯七貴同杯酒氣岸遙凌豪士
前風流肯落誰人後夫子紅顏我少年章臺走馬著
金鞭文章獻納麒麟殿歌舞淹留玳瑁筵與君自謂
長如此寧知草動風塵起函谷忽驚胡馬來秦宮桃
李向明開我愁遠謫夜郎去何日金雞放赦迴

贈饒陽張司戶璠

朝飲蒼梧泉夕棲碧海煙寧知鸞鳳意遠託椅桐前
慕蘭豈曩古攀嵇是當年愧非黃石老安識子房賢
功業嗟落日容華棄祖川一語已道意三山期著鞭
蹉跎人間世寥落壺中天獨見遊物祖探元窮化先
何當共攜手相與探冥筌

憶舊游贈濟陰馬少府

昔爲大堤客曾上山公樓開窓碧嶂滿拂鏡滄江流
高冠佩雄劍長揖韓荆州此地別夫子今來思舊游
朱顏君未老白髮我先秋壯志恐蹉跎功名若雲浮

歸心結遠夢落日懸春愁空思羊叔子墮淚峴山頭

贈常侍御

安石在東山無心濟天下一起振橫流功成復瀟灑
大賢有舒卷季葉輕風雅匡復屬何人君爲知音者
傳聞武安將氣振長平瓦燕趙期洗清周秦保宗社
登朝若有言爲訪南遷賈

贈徐安宜

白田見楚老歌詠徐安宜製錦不擇地操刀良在茲
清風動百里惠化聞京師淳人若雲歸耕種滿郊岐
川光淨麥隴日色明桑枝訟息但長嘯賓來或解頤

青槐拂戶牖一作碧水流園池遊子滯安邑懷恩未
忍辭繁君樹桃李歲晚託深期

李翰林集卷第七

歸心結遠夢落日懸春愁空思羊叔子墮淚峴山頭

贈常侍御

安石在東山無心濟天下一起振橫流功成復瀟灑
大賢有舒卷季葉輕風雅匡復屬何人君為知音者
傳聞武安將氣振長平瓦燕趙期洗清周秦保宗社
登朝若有言為訪南遷賈

贈徐安宜

白田見楚老歌詠徐安宜製錦不擇地操刀良在茲
清風動百里惠化聞京師淳人若雲歸耕種滿郊岐
川光淨麥隴日色明桑枝訟息但長嘯賓來或解頤

青槐拂戶牖一作碧水流園池遊子滯安邑懷恩未
忍辭繫君樹桃李歲晚託深期

李翰林集卷第七

李翰林集卷第八

翰林供奉李白

贈下

贈崔侍御

於五松山贈南陵常贊府

贈裴十七

贈任城盧主簿

贈僧道崖

淮海對雪贈傅霽

贈從兄皓

贈新平少年

贈范金卿二首

贈清漳明府姪

贈友人三首

陳情贈友人

贈武十七諤并序

贈從弟冽

自梁園至敬亭山見會公因有此贈

贈丹陽橫山周處士惟長

贈張公洲革處士

贈閻丘處士

贈錢徵君少陽

贈漢陽輔錄事二首

雪讒詩贈友人

贈宣州靈源寺冲濟

贈僧朝美

贈僧行融

贈嵩山焦鍊師

口號贈楊徵君鴻

贈參寥子

贈易秀才

流夜郎半道承恩放還書懷示息秀才

贈郭秀才

贈黃山胡公求白鷗并序

贈歷陽褚司馬

贈從弟

醉後贈王歷陽

江夏贈韋南陵冰

贈柳圓

贈崔侍御

黃河三尺鯉本在孟津居點額不成龍歸來伴凡魚

故人東海來一見惜吹噓風濤儻相見一作因更欲凌

崑墟何當赤車使再往召相如此一本無此二句

於五松山贈南陵常贊府

為草當作蘭為木當作松蘭幽香風遠松寒不改容

松蘭相因依蕭艾徒干茸雞與雞並食鸞與鸞同枝

揀珠去砂礫但有珠相隨遠客投名賢真堪寫懷抱

若惜方寸心待誰可傾倒虞卿棄趙相便與魏齊行

海上五百人同日死田橫當時不好賢豈傳一作千

載名願君同心人於我少留情寂寂還寂寂出門迷

所適長鋏歸來乎秋風思歸客

贈裴十七仲堪

遠海動風色吹秋一作愁落天涯南星變大火熱氣餘

丹霞光影不可迴六龍轉天車荆人泣美王魯叟悲

匏瓜功業若夢裏撫琴發長嗟裴生信英邁崛起多

才華歷抵海岱豪結交魯朱家復攜兩少女豔色驚

荷花雙歌入青雲但惜白日斜窮溟出寶貝大澤饒

龍蛇明主儻見收煙霄路非賒時命若不會歸應鍊

丹砂

贈任城盧主簿潛

海鳥知天風竄身魯門東臨觴不能飲矯翼忌凌空

一本云翼鐘鼓不為樂煙霜誰與同歸飛未忍去流

淚對鷓鴣

贈僧道崖

昔在朗陵東學禪白眉空大地了鏡徹迴旋寄輪風

攬彼造化力特為我神通晚謁太山君親見日沒雲

中夜卧山月拂衣逃人群授余金仙道曠劫未始聞

冥機發天光獨朗謝垢氛虛舟不繫物觀化遊江濱

江濱遇同聲道崖乃僧英說法動海嶽遊方化公卿

手秉玉麈尾如登白樓亭微言注百川疊疊信可聽

一風鼓群有萬籟各自鳴
啓開七窓牖託宿製電形
一本云託宿掣雷霆
自云歷天台搏壁躡翠屏
凌兢石橋去恍惚入宵
一作青
冥昔往今來歸絕景無不經
何日更攜手乘杯向蓬瀛

淮海對雪贈傅靄

此篇一作淮南對雪贈孟浩然

朔雪落吳天從風渡溟渤
海樹成陽春江沙皓明月
興從剡溪起思繞梁園發
寄君郢中歌曲罷心斷絕

一本明月字下有飄颻四荒外想像
千花發瑤草生階墀玉塵散庭闌

贈從兄皓

結髮未識事所交盡豪雄
却秦不受賞擊晉寧為功
託身白刃裏殺人紅塵中
當朝揖高義舉世欽英風
一本無小節豈足言退耕春陵東歸家無產業生事
此四句
如轉蓬一朝烏裘弊百鎰黃金空
彈劔徒激昂出門悲路窮
吾兄青雲士然諾聞諸公
所以陳片言片言貴情通
棣華儻不接甘與秋草同

贈新平少年

韓信在淮陰少年相欺凌
屈體若無骨壯心有所馮
一遭龍顏君嘯咤從此昇
一作興
千金荅漂母萬古共嗟稱
而我竟胡為寒苦坐相仍
長風入短袂兩手如

懷冰故友不相恤
新交寧見矜
摧殘檻中虎
羈紲講上鷹
何時騰風雲
搏擊中所能

贈范金卿二首

君子在清眇
不知東走迷
離家未幾月
絡緯鳴中閨
桃李君不言
攀花願成蹊
那能吐芳信
惠好相招攜
我有結綠珍
久藏濁水泥
時人棄此物
乃與燕珉齊
拂拭欲贈之
申眉路無梯
遼東慚白豕
楚客羞山雞
徒有獻芹心
終流泣玉啼
祇應自索漠
留舌示山妻
范宰不買名
絃歌對前楹
爲邦默自化
日覺冰壺清
百里雞犬靜
千廬機杼鳴
浮人少蕩析
愛客多逢迎

遊子觀嘉政因之聽頌聲

贈清漳明府姪聿

我李百萬葉
柯條布中州
天開青雲器
日爲蒼生憂
小邑且割雞
大刀佇烹牛
雷聲動四境
惠與清漳流
絃歌詠唐堯
脫落隱簪組
心和得天真
風俗猶太古
牛羊散阡陌
夜寢不扃戶
問此何以然
賢人宰吾土
舉邑樹桃李
垂陰亦流芬
河堤繞淶水
一本云堤繞淶河水
桑柘連青雲
趙女不治容
提籠晝成群
縹絲鳴機杼
百里聲相聞
訟息鳥下階
高卧披道帙
蒲鞭挂簷枝
示耻無撲扶
一本無此二句
琴清月當戶
人寂風入室
長嘯

無一言陶然上皇逸白玉壺冰水壺中見底清一作白
如玉壺冰水清光洞毫髮皎潔照群情趙北美佳政
燕南播高名一作過客鑒一作行謠因之頌德聲

贈友人三首

蘭生不當戶別是閑庭草夙被霜露欺紅紫已先老
謬接瑤華枝結根君王池顧無馨香美叨沐清風吹
餘芳若可佩卒歲長相隨

袖中趙匕首買自徐夫人玉匣閉霜雪經燕復歷秦
其事竟不捷淪落歸沙塵一本無持此願投贈與君
同急難荆卿一去後壯士多摧殘長號易水上為我

揚波瀾鑿井當及泉張帆當涉川廉夫唯重義駿馬
不勞鞭人生貴相知何必金與錢

慢世薄功業非無宵中畫謔浪萬古賢以為兒童劇
立產如廣費匡君懷長策但苦山北寒誰知道南宅
歲酒上逐風霜鬢兩邊白蜀主思孔明晉家望安
石時來列五鼎談笑期一擲虎伏避胡塵漁哥遊海
濱弊裘耻妻嫂長劒託交親夫子秉家義群公難與
鄰莫持西江水空許東溟臣他日青雲去黃金報主
人

陳情贈友人

延陵有寶劍價直千黃金觀風歷上國暗許故人

深一本無歸來桂墳松萬古知其心懦夫感達節壯

士激素衿鮑生薦夷吾一舉致齊相斯人無良朋豈

有青雲望此一本無臨財不苟取揣一作分固辭讓後

世稱其賢英風邈難尚論交但若此友道孰云喪

多君騁逸藻掩映當時人舒文振頽波秉義冠殊

倫卜居乃此地共井為比鄰清琴弄雲月美酒娛

冬春薄德中見捐捐一作忽之如遺塵英豪未豹變

自古多艱辛他人縱以疎君意宜獨親奈何成離

居相去復幾許飄風吹雲霓蔽目不得語投珠冀有

報按劍恐相拒所思采一作芳蘭欲贈隔荆渚沉憂

心若醉積恨淚如雨此一本無願假東壁輝餘光照貧

女

贈武十七諤并序

門人武諤深於詩一作者也質木沈悍慕要離之風

潛釣川海不數數於世間一本無事聞中原作難西

來訪余余愛子伯禽在魯許將冒胡兵以致之酒酣

感激援筆而贈

馬如一匹練明日逐吳門乃是要離客西來欲報恩

笑開燕匕首拂拭竟無言狄犬吠清洛天津成塞垣

愛于隔東魯空悲斷腸
後林回棄白璧千里阻同奔
君為我致之輕齋涉淮源
精誠合天道不愧遠遊魂

贈從弟冽

楚人不識鳳

玉一作

重價求山雞獻

漢一作

主昔云是今

來方覺迷因居漆園北別之

久別一作

咸陽西風飄落日

去節變流鶯啼桃李寒未開幽關豈來蹊逢君發花

萼若與青雲齊及此桑葉綠春蠶起中閨日出撥穀

鳴田家擁鋤犁顧余之尺土東作誰相攜傳說降霖

雨公輸造雲梯華

一作

戎事未息君子悲塗泥報國

有長策成功羞執珪無由謁明主杖策還蓬藜他年

爾相訪知我在礪溪

自梁園至敬亭山見會公談陵陽山水兼期

同遊因有此贈 宣州作

我隨秋風來瑤草恐衰歇中途寡名山安得弄雲月

渡江如昨日黃葉向人飛敬亭愜素尚弭棹流清輝

冰谷明且秀陵巒抱江城粲粲吳與史衣冠耀天京

一本無水國饒英奇潛光卧幽草會公真名僧所在

即為寶開堂振白拂高論橫青雲雪山掃粉壁墨客

多新文為余念 一作話幽棲且述陵陽美天開白龍潭

月映清秋水黃山望石柱突兀誰開張黃鶴久不來

子安在蒼茫東南焉可窮山鳥絕飛處稠疊千萬峯
相連入雲去聞此期振策歸來空閉關相見如明月
可望不可攀何當移白足早晚凌蒼山且寄一書札
令余解愁顏

贈丹陽橫山周處士惟長

周子橫山隱閉門臨城隅連峯入戶牖勝槩凌方壺
時作白紵詞放歌丹陽湖水色傲溟渤川光秀菰
蒲當其得意時心與天壤俱閑雲隨舒卷安識身
有無抱石耻獻玉沈泉笑探珠羽化如可作相攜
上清都

贈張公洲革處士

列子居鄭圃不將衆庶分革侯遁南浦常恐楚人聞
抱甕灌秋蔬心閑遊天雲每將瓜田叟耕種漢水
濱時登張公洲入獸不亂群井無拮擗事門絕刺繡
文長揖二十石遠辭百里君斯爲真隱者吾黨慕清
芬

贈閻丘處士

賢人有素業乃在沙塘陂竹影掃秋月荷衣落古池
閑讀山海經散帙卧遙帷且耽田家樂逐一作日
曠林中期野酌勸芳酒一本作野園蔬烹露葵如能

樹桃李爲我結茅茨

贈錢徵君少陽

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭川獵猶可帝王
師

贈漢陽輔錄事二首

聞君罷官意我抱漢川湄借問踈索後一作久何如
聽訟時天清江月白心靜海鷗知應念投沙客空餘
弔屈悲

鸚鵡洲橫漢陽渡水引寒煙沒江樹南浦登樓不見

君君今罷官在何處漢口雙魚白錦鱗令傳尺素報
情人其中字數無多少祇是相思秋復春

雪讒詩贈友人四言

嗟余沉迷猖蹶已久五十知非古人常有立言補過
庶存不朽苞荒匿瑕蓄此頑醜月出致譏貽愧皓首
感悟遂晚事往日遷白壁何辜青蠅屢前群輕折軸
下沉黃泉衆毛飛骨上陵青天萋斐暗成一本無貝
錦粲然泥沙聚埃珠玉不鮮洪飭爍山發自織煙滄
波蕩日起乎微消交亂四國播于八埏拾塵掇蜂疑
聖猜賢哀哉悲夫誰察余之貞堅彼婦人之猖狂不

如鵲之彊彊彼婦人之媼昏不如鵲之奔奔坦蕩君子無悅簧言擢髮贖罪罪乃孔多傾海流惡惡無以過生人實難逢此織羅積毀銷金沉憂作歌天未喪文其如余何妲已滅紂褒女惑周天維蕩覆職此之由漢祖呂氏食其在傍秦皇太后毒亦姪荒蟠竦作昏遂掩太陽萬乘尚爾匹夫何傷辭殫意窮心切理直如或妄談昊天是殛子野善聽離婁至明神靡遁響鬼無逃形不我遐棄庶昭忠誠

贈宣州靈源寺沖濟

敬亭白雲氣秀色連蒼梧下映雙溪水如天落鏡湖

此中積龍象獨許一作診濟公殊風韻逸江左文章動海隅觀心同水月解領得神珠今日達支遁高談出有無

贈僧朝美

水客凌洪波長鯨湧溟海百川隨龍舟噓喻竟安在中有不死者探得明月珠高價傾宇宙餘輝照江湖苞卷金縷褐蕭然若空無誰人識此寶竊笑有狂夫了心何言說各勉黃金軀

贈僧行融

梁日湯惠休常從鮑昭遊峨眉史懷一獨映陳公出

卓絕二道人結交鳳與麟行融亦俊發吾知有英骨
海若不隱珠驪龍吐明月大海乘虛舟隨波任安
流賦詩旃檀閣縱酒鸚鵡洲待我適東越相攜上白
樓

贈嵩山焦鍊師

嵩丘有神人焦鍊師者不知何許婦人也又云生於
齊梁時其年貌可稱五六十常胎息絕穀居少室廬
遊行若飛倏忽萬里世或傳其入東海登蓬萊竟不
能測其往也余訪道少室盡登二十六峯聞風有寄
灑翰遙贈

二室一作色凌青天一作倚碧天三花含紫煙一作明綠煙中有

蓬海客一作蓬萊客宛疑麻姑仙道在喧莫深跡高想已

遷時滄金城一作金鵝屢讀青苔篇八極恣遊憩九

垓長周旋一本無此六句下瓢酌潁水舞鶴來伊川還一作遂

歸空山上獨拂秋霞眠蘿月挂朝鏡松風鳴夜絃此

姑一本在麻仙宇下潛光隱嵩丘一作嶽鍊魄棲霞一作雲幄霓

衣何萎蕤一作飄飄鳳吹一作羽駕轉絲邈願同西王母下顧

東方朔紫書儻可傳銘骨誓相學一作心

口號贈楊徵君鴻此公時被徵

陶令辭彭澤梁鴻入會稽我尋高士傳君與古人

齊雲卧留丹壑天書降紫泥不知楊伯起早晚向關西

贈參寥子

白鶴飛天書南荆訪高士五雲在峴山果得參寥子
骯髒辭故園昂藏入君門天子分玉帛百官接話言
毫墨時灑落探元有奇作著論窮天人千春祕麟閣
長揖不受官拂衣歸林巒余亦去金馬藤蘿同所攀
相思在何處桂樹青雲端

贈易秀才

少年解長劍投贈即分離何不斷犀象精光暗徃時
蹉跎君自惜竄逐我因誰地遠虞翻老秋深宋玉
悲空摧芳桂色不屈古松姿感激平生意勞歌寄此
辭

流夜郎半道承恩放還兼欣克復之美
書懷示自心秀才

黃口爲人羅白龍乃魚服得罪豈怨天以愚陷網目
鯨鯢未翦滅豺狼屢翻覆悲作楚地囚何由秦庭哭
遭逢二明一作相主前後兩遷逐去國愁夜郎投身竄
荒谷半道雪屯蒙曠如鳥出籠遙欣剋復美光武安
可同天子巡劍閣儲皇守扶風揚袂正北辰開襟攬

群雄胡兵出月窟雷破關之東左掃因右拂旋收洛
陽宮迴輿入咸京席卷六合通叱咤開帝業首一作手
成天地功大君駕一作還長安兩日忽再中一朝讓寶
位劔璽傳無窮媿無秋毫力誰念矍鑠翁弋者何所
慕高飛仰冥鴻棄劔學丹砂臨鑪雙玉童寄言息夫
子歲晚陟方蓬

贈郭季鷹

河東郭有道於世若浮雲盛德無我位清光獨映
君耻將雞並食長與鳳為群一擊九千仞相期凌
紫氛

贈黃山胡公求白鷗并序

聞黃山胡公有雙白鷗蓋是家雞所伏自小馴狎了
無驚猜以其名呼之皆就掌取食然此鳥耿介尤難
畜之余平生酷好竟莫能致而胡公輟贈於我唯求
一詩聞之欣然適會宿意因援筆三叫文不加點以
贈之

請以雙白璧買君雙白鷗白鷗白如錦白雪耻容顏

一本無照清一作影玉潭裏刷毛琪樹間夜棲寒月靜

朝步落花開我願得此鳥翫之坐碧山胡公能輟贈

籠一作寄野人還

贈歷陽褚司馬時此公為稚子舞

北堂千萬壽侍奉有光輝先同稚子舞更著老萊衣
因為小兒啼醉倒月下歸人間無此樂此樂世中稀

贈從弟

去國客行遠還山秋夢長梧桐落金井一葉飛銀牀
覺罷攬朝鏡鬢毛颯已霜良圖委蔓草古兒成枯桑
欲道心下事時人疑夜光因為洞庭葉飄落之瀟湘
令弟經濟士謫居我何傷潛虬隱尺水著論談興亡
云見一作玄王子喬口傳不死方入洞過天地登真朝
玉皇吾將撫爾背揮手遂翱翔

醉後贈王歷陽

書禿千兔毫詩裁兩牛腰筆蹤起龍虎舞袖拂雲霄
雙歌二胡姬更奏遠清朝舉酒挑朔雪從君不相
饒

江夏贈韋南陵冰

胡騎馬驚沙塵起胡雛飲馬天津水君為張掖近酒
泉我竄三巴九千里天地再造法令寬夜郎遷客帶
霜寒西憶故人不可見東風吹夢到長安寧期此地
忽相遇驚喜茫如墮煙霧玉簫金管喧四筵苦心不
得申長句昨日繡衣傾綠樽病如桃李竟何言昔騎

天子大宛馬今乘款段諸侯門賴遇南平豁方寸復
兼三夫一作子持清論有似山開萬里雲四望青天解
人悶人悶還心悶苦辛長苦辛愁來飲酒二千石寒
灰重暖生陽春山公醉後能騎馬別是風流賢主人
頭陲雲外多僧氣山水何曾稱人意不然鳴笳按鼓
戲滄流呼取江南女兒歌棹謳我且為君搥碎黃鶴
樓君亦為吾倒却鸚鵡洲赤壁爭雄如夢裏且須歌
舞寬離憂

贈柳圓

竹實滿秋圃鳳來何苦飢還同月下鵲三繞未安枝
夫子即瓊樹林一作傾柯拂羽儀懷君戀明德歸去日
相思

李翰林集卷第九

翰林供奉李白

寄贈

憶舊遊寄譙郡元參軍

寄崔負外

廬山謠寄盧侍御虛舟

安陸白兆山桃花巖寄劉侍御

涇溪東亭寄鄭少府 三山望金陵寄殷淑

自金陵泝流 白壁山翫月達天門寄句容王

主簿

下尋陽城泛彭蠡寄董判官

書情寄從弟邠州長史

自漢陽病酒歸寄王明府

宣城九日聞崔四侍御與宇文太守遊敬亭余

時登響山不同此賞醉後寄崔侍御二首

寄東魯二稚子

望漢陽柳色寄王宰

寄趙徵君蕤

贈盧司戶

宿白鷺洲寄楊江寧

繫尋陽上崔相三首

寄上吳王三首

寄王漢陽

望終南山寄紫閣隱者

寄崔侍御

江夏寄漢陽輔錄事

涇溪南藍山下有落星潭可以卜築余泊舟石

上寄何判官

新林浦阻風寄友人

早春寄王漢陽

江上寄巴東故人

江上寄元林宗

流夜郎永華寺寄尋陽群官

早過漆林渡寄萬巨

夕霽杜陵登樓寄韋繇

秋夜宿龍門香山寺奉寄國瑩上人從弟成勳

令問

寄從弟宣州長史昭

聞丹丘子於城北山營石門幽居中有高鳳遺
跡僕離群遠懷亦有棲遁之志因叙舊以
寄之

寄韋南陵冰余江上乘興訪之遇尋顏尚書笑
有此贈

遊敬亭寄崔侍御 落日憶山中

對酒憶賀監二首 并序

重憶一首

獨酌清溪江石上寄權昭夷

題情深樹寄家公

流夜郎至西塞驛寄裴隱

寄弄月溪吳山人 寄淮南友人

春日獨坐寄鄭明府

沙丘城下寄杜甫

寄王屋山人孟大融

寄當塗趙少府炎

秋山寄衛尉張卿及王徵君

聞王昌齡左遷龍標遙有此寄

北山獨酌寄韋六

禪房懷友人岑倫

春日歸山寄孟浩然

憶舊遊寄譙郡元參軍

憶昔洛陽董糟立爲余天津橋南造酒樓黃金白壁
買歌笑一醉累月輕王侯海內賢豪青雲客就中與
君心莫逆回山轉海不作難傾情倒意無所惜我向
淮南攀桂枝君留洛北愁夢思不忍別還相隨相隨
迢迢訪仙城三十六曲水迴縈一溪初入千花明萬
壑度盡松風聲一本作遺松聲銀鞍金絡到平地漢東太守
來相迎紫陽之真人邀我吹玉笙餐霞樓上動仙樂

嘈然宛似鸞鳳鳴袖長管催欲輕舉漢中太守醉起

舞手持錦袍覆我身我醉橫眠枕其股當筵意一作歌

氣吹一作凌九霄星離雨散不終朝分飛楚關一作山

水遙余旣還山尋故巢君亦歸家度渭橋君家嚴君

勇貌虎作尹并州遇戎虜五月相呼凌太行摧輪不

道羊腸苦行來北涼一作京歲月深感君貴義輕黃金

瓊杯綺食青玉案使我醉飽無歸心時時出向城西

曲晉祠流水如碧玉浮舟弄水簫鼓鳴微波龍鱗沙

草綠興來攜妓恣經過其若楊花似雪何紅粧欲醉

宜斜日百尺清潭寫翠娥翠娥一本無下嬋娟初月

輝美人更唱舞羅衣清風吹歌入空去歌曲自繞行
雲飛此時行樂難再遇西游因獻長楊賦北闕青雲
不可期東山白首還歸去渭橋南頭一遇君鄮臺之
北又離群問余別恨今多少落花春暮事紛紛言亦
不可盡情亦不可極呼兒長跪緘此辭寄君千里作
萬遙相憶

江行寄崔負外宗之

飄飄江風起蕭颯海樹秋登艫美清夜挂席移輕舟
月隨碧山轉水合青天流杳如星河上但覺雲林幽
歸路方浩浩祖川去悠悠徒悲蕙草歇復聽菱歌愁

岸曲迷後浦沙明瞰前洲懷君不可見望遠增離
憂

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓
五嶽尋仙不辭遠一生好入名山遊廬山秀出南斗
傍屏風九疊雲錦張影落明湖青黛光金闕前開二
峯長銀河倒挂三石梁香爐瀑布遙相望迴崖沓嶂
凌蒼蒼翠影紅霞映朝日鳥飛不到吳天長登高壯
觀天地間大江茫茫去不還黃雲萬里動風色白波
九道流雪山好爲廬山謠興因廬山發閑窺石鏡清

我心謝公行處蒼苔沒早服還丹無世情琴心三疊
道初成遙見仙人綵雲裏手把芙蓉朝玉京先期汗
漫九垓上願接盧敖遊太清

安陸白兆山桃花巖寄劉侍御

御侍
結一作春歸
桃花巖貽許

雲卧三十年好閑復愛仙蓬壺雖冥絕鸞鶴心悠然
歸來桃花巖得憩雲窻眠對嶺人共語飲潭援相連
時昇翠微上邈若羅浮巔兩岑抱東壑一嶂橫西天
樹雜一作離日易隱崖傾月難延一作圓芳草換野色飛
蘿搖春烟入遠構石室選幽開山田獨此林下意青

無區中緣永辭霜臺客千載方來還

涇溪東亭寄鄭少府

諤

我游東亭不見君沙上行將白鷺群白鷺閑時散飛
去又如雪點青山雲欲往涇溪不辭遠龍門蹙波虎
眼轉杜鵑花開春已闌歸向陵陽釣魚晚

三山望金陵寄殷淑

三山懷謝朓水澹望長安蕪沒河陽縣秋江正北
看盧龍霜氣冷鳩鵲月光寒耿耿憶瓊樹天涯寄
一歡

自金陵泝流過白壁山翫月達天門寄句容

王主簿

滄江沂流歸白壁見秋月秋月照白壁皓如山陰雲
幽人停宵征賈客忘早發進帆天門山回首牛渚沒
川長信風來日出宿霧歇故人在咫尺新賞成胡越
寄君青蘭花惠好庶不絕

下尋陽城泛彭蠡寄董判官

浪動灌嬰井尋陽江上風開帆入天鏡直向彭湖東
落景轉踈雨晴雲散遠空名山發佳興清賞亦何窮
石鏡桂遙月香爐滅彩虹相思俱對此舉目與君
同

書情寄從弟邠州長史

自笑客行久我行定幾時綠楊已可攀取最長枝
翩翩弄春色延佇寄相思誰言貴此物意願重瓊蕤
昨夢見惠連朝吟謝公詩東風引碧草不覺生華池
臨翫忽云夕杜鵑夜鳴悲懷君芳歲歇庭樹落紅滋

自漢陽病酒歸寄王明府

去歲左遷夜郎道琉璃硯水長枯槁今年勅放巫山
陽蛟龍筆翰生輝光聖主還聽子虛賦相如却欲
論文章願掃鸚鵡洲與君醉百場嘯起白雲飛七澤
歌吟綠水動三湘莫惜連船沽美酒千金一擲買春

芳

宣城九日聞崔四侍御與宇文太守遊敬亭
余時登響山不同此賞醉後寄崔侍御二

首

九日茱萸熟插鬢傷早白登高望山海滿目悲古昔
遠訪投沙人因為逃名一作名客故交竟誰在獨有崔
亭伯重陽不相知載酒任所適手持一枝菊調笑二
千石日暮岸憤歸傳呼隘阡陌彤襜雙白鹿賓從何
輝赫夫子在其間遂成雲霄隔良辰與美景兩地方
虛擲晚從南峯歸羅月下水壁却登郡樓望松色寒

轉碧咫尺不可親棄我如遺棄

九卿天上落五馬道傍來列戟朱門曉寒帷碧嶂開
登高望遠海召客得英才紫綬歡情洽黃花逸興催
山依一作從圖上見溪即鏡中迴遙羨重陽作應過戲
馬臺

寄東魯二稚子 在金陵作

吳地桑葉綠吳蠶已三眠我家寄東魯誰種龜陰田
春事已不及江行復茫然南風吹歸心飛墮酒樓前
樓東一株桃枝葉拂青煙此樹昔一作我所種別來向
三年桃今與樓齊我行尚未旋嬌女字平陽折花倚

卷九
桃邊折花不見我淚下如流泉小兒名伯禽與姊亦
齊肩雙行桃樹下撫背復誰憐念此失次第肝腸日
憂煎裂素寫遠意因之汶陽川

望漢陽柳色寄王宰

漢陽江上柳望客引東枝樹樹花如雪紛紛亂若絲
春風傳我意草木度前知寄謝絃歌宰西來定未遲

寄趙徵君蕤

吳會一浮雲飄如遠行客功業莫從就歲光屢奔迫
良圖俄棄捐衰疾乃繇劇古琴藏虛匣長劍挂空壁
楚冠懷鍾儀越吟比莊舄國門遙天外鄉路遠山隔

朝憶相如臺夜夢子雲宅旅情初結緝秋氣方寂歷
風入松下清露出草間白故人不可見而我與誰適
寄書西飛鴻贈爾慰離析

贈盧司戶

秋色無遠近出門盡寒山白雲遙相識待我蒼梧間
借問盧耽鶴西飛幾歲還

宿白鷺洲寄楊江寧

朝別朱雀門暮棲白鷺洲波光搖海月星影入城樓
望美金陵宰如思瓊樹憂徒令媿作夢翻覺夜來一作
或秋綠水解人意爲余西北流因聲玉琴裏蕩漾寄

君愁

繫尋陽上崔相漢三首

邯鄲四十萬同日陷長平能迴造化筆或冀一人生
毛遂不墮井曾參寧殺人虛言誤公子投杼惑慈親
白壁雙明月方知一玉真

虛傳一片雨枉作陽臺神縱爲夢裏相隨去不是襄

王傾國人

此一首恐非上崔相

寄上吳王三首

淮王愛八公攜手綠雲中小子忝枝葉亦攀丹桂叢
謬以詞賦重而將放一作馬同何日背淮水東之觀

土風

坐嘯廬江靜閑聞進玉觴去時無一物東壁挂胡牀
英明廬江守聲譽廣平籍灑掃黃金臺招邀青雲客
客曾與天通出入清禁中襄王憐宋王願入蘭臺宮

寄王漢陽

南湖秋月白王宰夜相邀錦帳郎官醉羅衣舞女嬌
笛聲喧沔鄂歌曲上雲霄別後空愁我相思一水遙

望終南山寄紫閣隱者

出門見南山引領意無限秀色難爲名蒼翠日在眼
有時白雲起天際自舒卷心中與之然託興每不淺

何當造幽人滅跡棲絕巖

寄崔侍御

宛溪霜夜聽猿愁去國長為不繫舟獨憐一鴈飛南
海却羨雙溪解北流高人屢解陳蕃榻過客難登謝
眺樓比處別離同落葉朝朝分散敬亭秋一本北流
屢處別離同落
葉朝散敬亭秋

江夏寄漢陽輔錄事

誰道此水廣狹如一匹練江上黃鶴樓青山漢陽縣
大語猶可聞故人難可見君早陳琳檄我書魯連箭
報國有壯心龍顏不迴眷西飛精衛鳥東海何由填

鼓角徒悲鳴樓船習征戰拽一作抽劔步霜月夜行空

庭徧長呼結浮雲埋沒顧榮扇他日觀軍容投壺接

高宴

涇溪南藍山下有落星潭可以卜築余泊舟

石上寄何判官

昌浩

藍岑竦天壁突兀如鯨額奔蹙橫澄潭勢吞落星石
沙帶秋月明水搖寒山碧佳境宜緩棹清輝能留客
恨君阻歡遊使我自驚惕所期俱卜築結茅鍊金液

新林浦阻風寄友人

潮水定可信天風難與期清晨西北轉薄暮東南吹

以此難挂席佳期益相思海月破圓景菰蔣生綠池
昨日北湖梅開花已滿枝今朝東門柳夾道垂青絲
歲物忽如此我來定幾時紛紛江上雪草草客中悲
明發新林浦空吟謝朓詩

早春寄王漢陽

聞道春還未相識走傍寒梅訪消息昨夜東風入武
陽一作昌陌頭楊柳黃金色碧水浩浩雲茫茫美人不
來空斷腸預拂青山一片石與君連日醉壺觴

江上寄巴東故人

漢水波浪遠巫山雲雨飛東風吹客夢西落此中時

覺後思白帝佳人與我違瞿塘饒賈客音信莫令稀

江上寄元林宗

霜落江始寒楓葉綠未脫客行悲清秋永路苦不達
滄波眇川汜白日隱天末停棹倚林巒驚猿相叫聒
夜分河漢轉起視溟漲闊涼風何蕭蕭流水鳴活活
浦沙淨如洗海月明可掇蘭交空懷思瓊樹詎解渴
勗哉滄洲心歲晚庶不奪幽賞頗自得興遠誰與豁

一本無此二句

流夜郎永華寺寄尋陽群官

朝別凌煙樓暝投永華寺賢豪滿行舟賓散予獨醉

願結九江流添成萬行淚寫意寄廬嶽何當來此地
天命有所懸安得苦愁思

早過漆林渡寄萬巨

西經大藍山南來漆林渡水色倒空青林煙橫積素
漏流昔吞翕沓浪競奔注潭落天上星龍開水中霧
嶢巖注公柵突兀陳焦墓嶺峭紛上千川明屢回顧
因思萬夫子解渴同瓊樹何日覩清光相歡詠佳句

夕霽杜陵登樓寄韋繇

浮陽滅霽景萬物生秋容登樓送遠目伏檻觀群峯
原野曠超緬關河紛錯重清輝映日竹翠色明雲松

蹈海寄遐想還山迷舊蹤徒然迫晚暮未果諧心宵
結桂空佇立折麻恨莫從思君達永夜長樂聞疎鐘

秋夜宿龍門香山寺奉寄王方城十七丈奉

一本無此七字國瑩上人從弟幼成令問

朝發汝海東暮棲龍門中水寒夕波急木落秋山空
望極九霄迥賞幽萬壑通目皓沙上月心清松下風
玉斗生網戶銀河耿花宮興在趣方逸歡餘情未終
鳳駕憶王子虎溪懷遠公桂枝坐蕭瑟棣華不復同
流恨寄伊水盈盈焉可窮

寄從弟宣州長史昭

爾佐宣城郡守官清且閑常誇雲月好邀我敬亭山
五落洞庭葉三江遊未還相思不可見歎息損朱顏
聞丹丘子於城北山營石門幽居中有高鳳
遺跡僕離群遠懷亦有棲遁之志因叙舊以
寄之

春華滄江月秋色碧海雲離居盈寒暑對此長思君
思君楚水南望君淮山北夢魂雖飛來會面不可得
疇昔在嵩陽同衾卧羲皇綠蘿笑簪紱丹壑賤巖廊
晚途各分析乘興任所適僕在鴈門關君爲峨眉客
心懸萬里外影滯兩鄉隔長劒復歸來相逢洛陽陌

陌上何喧喧都令心意煩迷津覺路失託勢隨風翻

一本無以茲謝朝列長嘯歸故園故園恣閑逸求古

此二句散縹帙久欲入名山婚娶殊未畢一本作未云畢人生信多

故世事豈惟一念此憂如焚悵然若有夫一本無聞

君卧石門宿昔契彌敦方從桂樹隱不羨桃花源高

鳳起遐曠幽人跡復存松風清瑤瑟溪月湛芳樽安

居偶佳賞丹心期此論

寄韋南陵冰余江上乘興訪之遇尋顏尚書

笑有此贈

南船正東風北船來相一作自緩江上相逢借問君語

笑未了風吹斷聞一作君攜妓訪情人應爲尚書不
顧身堂上三千珠履客甕中百斛金陵春恨我阻此
樂淹留楚江濱月色醉遠客山花開欲燃春風狂殺
人一日劇三年乘興嫌太遲焚却子猷船夢見五柳
枝已堪挂馬鞭何日到彭澤長歌陶令前

遊敬亭寄崔侍御

我家敬亭下輒繼謝公作相去數百年風期宛如昨
登高素秋月下望青山郭俯視鷓鴣鷺群飲啄自鳴躍
夫子雖蹭蹬瑤臺雪中鶴獨立窺浮雲其心在寥廓
時來顧我笑一飯葵與藿世路如秋風相逢盡蕭索

腰間玉具劒意許無遺諾壯士不可輕相期在雲閣

落日憶山中

雨後煙景綠晴天散餘霞東風隨春歸發我枝上花
花落時欲暮見此令人嗟願遊名山去學道飛丹砂

對酒憶賀監二首

并序

太子賓客賀監於長安紫極宮一見呼余爲謫仙人
因解金龜換酒爲樂沒後對酒悵然有懷而作是詩
四明有狂客風流賀季真長安一相見呼我謫仙人
昔好杯中物翻爲松下塵金龜換酒處却憶淚沾巾
狂客歸四明山陰道士迎勅賜鏡湖水爲君臺沼榮

人亡餘故宅空有荷花生念此香如夢淒然傷我情
重憶一首

欲向江東去定將誰舉杯稽山無賀老却掉酒船迴
獨酌青溪江石上寄權昭夷

我攜一樽酒獨上江祖石自從天地開更長幾千尺
舉杯向天笑天迴日西照永願坐此石長垂嚴陵釣
寄謝山中人可與爾同調

題情深樹寄象公

腸斷枝上猿淚添山下樽白雲見我去亦為我飛翻
流夜郎至西塞驛寄裴隱

揚帆借天風水驛苦不緩平明及西塞已先投沙伴
迴巒引群峯橫處楚山斷砮衝萬壑會震沓百川滿
龍怪潛溟波候時救炎旱我行望雷雨安得霑枯散
鳥去天路長人悲春光短空將澤畔吟寄爾江南管
寄弄月溪吳山人

嘗聞龐德公家住洞湖水終身棲鹿門不入襄陽市
夫君弄明月滅景清淮裏高蹤逸難追可與古人比
清揚杳莫覩白雲空望美待號辭人間攜手訪松子
寄淮南友人

紅顏悲舊國青歲歇芳洲不待金門詔空持寶劍遊

海雲迷驛道江月隱鄉樓復作淮南客因逢桂樹留

春日獨坐寄鄭明府

鷺麥青青遊子悲河堤弱柳鬱金枝長條一拂春風
去盡日飄揚無定時我在河南別離久那堪坐此對
牕牖情人道來竟不來何人共醉新豐酒

沙丘城下寄杜甫

我來竟何事高卧沙丘城城邊有古樹日夕連秋聲
魯酒不可醉齊歌空復情思君若汶水浩蕩寄南征

寄王屋山人孟大融

我昔東海上勞山餐紫霞親見安期公食棗大如瓜

中年謁漢主不愜還歸家朱顏謝春輝白髮見生涯
所期就金液飛步登雲車願隨夫子天壇上閑與仙
人掃落花

寄當塗趙少府炎

晚登高樓望木落雙江清寒山饒積翠秀色連州城
目送楚雲盡心悲胡鴈聲相思不可見迴首故人情

秋山寄衛尉張卿及王徵君

何以折相贈白花青桂枝月華若夜雪見此令人思
雖然剡溪興不異山陰時明發懷二子空吟招隱詩

聞王昌齡左遷龍標遙有此寄

楊花落盡子規啼聞道龍標過五溪我寄愁心與明月隨風直到夜郎西

北山獨酌寄韋六

巢父將許由未聞買山隱道存跡自高何憚去人近
紛吾下茲嶺地閑喧亦泯門橫羣岫開水鑿衆泉
引屏高而在雲竇深莫能準川光晝昏凝林氣夕淒
緊於焉摘朱果兼得養玄牝坐月觀寶書拂霜弄瑤
軫傾壺事幽酌顧影還獨盡念君風塵游傲爾令自
哂

禪房懷友人岑公

婵娟羅浮月搖艷桂水雲美人竟獨往而我安能群
一朝語笑隔萬里懽情分沈吟綠霞沒夢寐羣芳歇
歸鴻渡三湘遊子在百粵邊塵染衣劔白日彫華髮
春風變楚關秋聲落吳山草木結悲緒風沙淒苦顏
竭來已永久頽思如循環飄飄限江裔想像空留滯
離憂每醉心別淚徒盈袂坐愁青天末出望黃雲蔽
目極何悠悠梅花南嶺頭空長滅征鳥水闊無還舟
寶劔終難託金囊非易求歸來儻有問桂樹山之幽
春日歸山寄孟浩然

朱紱遺塵境青山謁梵筵金繩開覺路寶筏度迷川

嶺樹攢飛拱，函花覆谷泉。塔形標海月，樓勢出江煙。
香氣三天下，鐘聲萬壑連。荷秋珠已滿，松密蓋初圓。
鳥聚疑聞法，龍參若護禪。愧非流水韻，叨入伯牙絃。

李翰林集卷第九